

## Ci lɛɛkare hɔ kɔ ZAAN a ba

*Zaan ciro wɔɔ*

*gasɔɔre*

Lɛɛkare kristagɔɔ wɔɔ y'a hire, η υ: ciro kaakɔɔ nɔɔn duro, Yeezuu Krista karɔndanyɔ deem k'a tɔ m Zaan yɔ η gɔrsira ba, a bir a mɔŋŋa tɔ hum ciro wɔɔ υ y, a hi a nawore a mɔŋŋa ma Gɔaagɔsire ciro wɔɔ nɔ υ. Ciro wɔɔ ba a υ, a gusimbaa dɔmɔm υ. I υ, Efɛɛzɔ Zaan nyɔnta υ an ciro wɔɔ ba υ.

*Ci lɛɛkare hɔ kɔ Zaan a ba bɔ*

*gasɔɔre*

Zaan bɔ, lɛɛkare ci bɔ ba a υ, kristagɔɔ ma. A le n taa k'a η paŋŋa da ra kɔ η nɔ mɔsɔrbaa ba Woso kan Krista kɔ zekɔra nɔ υ, kɔ mɔsɔrbaa bɔ do n nyɔnta kɔ ηɔare zibəə nɔ υ. Kɔ η nɔ dundo a zi sɔ kan ηɔaar hɔdɔndarɛɔ kɔ, bala, gɔɔ ɔ nyɔnta ηn'ɔ ηɔaar hɔ dɔndam lɛɛ haay υ. Mim k'a n'a hire an le da b'ɔ yɔre ɔ υ, lemim nyɔnta bɔ sira k'a n'a hum bɔ bir a nɔkɔre y, b'a kɔ yɔm haay.

*Kasetɔzaa paan... mindində*

<sup>I</sup> Hɔ k'a nyɔnta υ a sɔŋŋɔda υ, wɔɔ n a ma, wɔɔ n a yɔ, υ mɔm m. Wɔɔ n dɔga a sɔ..., υ υ wɔ da ma, an nɔ mɔsɔrbaa Lemim dɔndam bɔ, <sup>II</sup> bala, mɔsɔrbaa bɔ do a hɔnka wɔɔ n a yɔ, υ n'a kasetɔ

kare, ɔ ni mɪsɪrbaa k'a nyare ba ɔ bi mim hure awɔɔ m. A ɪ nyɪnta Zɪ zi, an b'a hɪnka wɔɔ m. **III** Ho kɔ wɔɔ yɪ, ɔ a ma sɔ bi, wɔɔ y'a pa dare awɔɔ m sɔ, k'awɔɔ n a da ma, a a zɛ kɔ ra kan wɔɔ kɪ. Bi wɔɔ ɔ zɛ kɔ ra kan Zɪ kɪ kan a Nyɪ Yeezuu Krista kɪ. **IV** Naa wɔɔ n'a gɔrsɪra bare awɔɔ ma, kɔ wɔɔ heernyɔɔ bi n yɪ gɔta.

### *U ta Woso lɛɛgure nɔ ɔ*

**V** Lemim kɔ wɔɔ ma zi, ɔ n'a pa dare awɔɔ m bi ba n ni. Woso bi, lɛɛgure m. Monsigə ba zi fɪɪgaa y. **VI** Kɔ wɔɔ hi, wɔɔ ɔ: «Wɔɔ ɔ zɛ kɔ ra kan kɪ», ɔ bɔkare, ɔ ni tam monsigə ɔ, nɔaar wɔɔ n'a bare, bi wɔɔ bir sɪra bare y. **VII** Bi, kɔ wɔɔ ɪ tam lɛɛgure ɔ, amba a mɪŋɪa ni lɛɛgure nɔ ɔ bi ni, wɔɔ ɔ zɛ kɔ ra kan ɔ muno kɪ, b'a Nyɪ Yeezuu bi ma bi ni wɔɔ hubɔm wɔɔ mimbɔnyaarɔ haay nɔ ɔ. **VIII** Bi kɔ wɔɔ ɔ: «Mimbɔnyaa ba wɔɔ ma y», bra wɔɔ n'a bare ɔ mɪŋɪɔɔ m, sɪra bi wɔɔ nɔ ɔ y. **IX** Kɔ wɔɔ ɔ mimbɔnyaarɔ bɔ ɔ lɛ ma Woso taa, a wɔɔ mimbɔnyaarɔ sugur kam wɔɔ ɔ, an tɪrgabaawar haay gɔ wɔɔ ma, bala, sɪrazaa m b'a tɪrga sɔ. **X** Kɔ wɔɔ hi, wɔɔ ɔ: «Mimbɔnyaabənnɔ bɛɛ m wɔɔ nɔ», a ba wɔɔ ɔ nɔaarzaa, b'a meerbaa ba wɔɔ nɔ ɔ y.

## **II**

**I** M nyɪnzɛennyɪnɔ, naa gɔrsɪra ba mɔɔ ɔ awɔɔ minto, k'a bi mimbɔnyaa ba y. Bi, kɔ gɔaa mimbɔnyaa ba, wɔɔ mimbankarezaa ta ɔ Zɪ taa, Yeezuu Krista k'an tɪrga bi m. **II** Bala, a mɪŋɪa ɪ nyɪnta mannɪhɔ wɔɔ mimbɔnyaarɔ minto. Bi

wɔɔ hɔɔ wɔɔ minto bɛɛ m bala y, durnyazanno  
haay hɔɔ minto m sɔ.

*K'a zu muno ɲɔarɛ lɛ b'ɔ*

<sup>III</sup> Kɔ wɔɔ zu a lɛrɔ wɔɔ ɔ, wɔɔ dɔ wɔɔ ɔ, wɔɔ  
Woso dɔ. <sup>IV</sup> Gɔaa k'a hɪ, a ɔ: «Mɔɔ dɔ», b'a bɪr  
zure a lɛrɔ wɔɔ ɔ, ɲɔaarzaa m, sɪra b'a nɔ ɔ y.  
<sup>V</sup> Bɪ kɔ gɔaa a meerbaa bɪ si, kan sɪra kɪ, a zaa  
Woso ɲɔa paan.... Bɪ minto bɪ, wɔɔ dɔ wɔɔ ɔ, ɔ  
ɪ kan kɪ. <sup>VI</sup> Kɔ gɔaa a ɔ, a ɪ gɔɔtam kan kɪ, pakra  
m k'a mɪɲɲa m zu zaa kɔ Yeezuu a sa b'ɔ.

<sup>VII</sup> M gɔaastɔɔ, lɛ daa bɛɛ mɔɔ n'a gɔrsɪra bare  
awɔɔ ma y, lɛ gusire m, awɔɔ n ta m a sɪɲɲɪda ɔ.  
Lɛ gusire naa do, meerbaa k'awɔɔ ma bɪ m. <sup>VIII</sup> Bɪ  
kan bɪ kɪ, lɛ daa mɔɔ n'a gɔrsɪra bare awɔɔ ma.  
Bɪ naa sɪra, kan Krista kɪ, kan awɔɔ kɪ sɔ. Bala,  
monsigɔ ɪ cenim, lɛɛgure denter paan... b'ɪ yɔm  
kaka. <sup>IX</sup> Gɔaa k'a ɔ, a ɪ lɛɛgure nɔ ɔ, an bɔkare,  
an sɔ a danyɪ m bɪ, a gɔɔta, an nɪ monsigɔ ɔ  
tee.... <sup>X</sup> Gɔaa k'a danyɪ ɲɔa b'ɪ lɛɛgure ɔ, bɪ hɔsɪ  
ba zi an b'a dam ma, an a ka an a gɔm zɛ y. <sup>XI</sup> Bɪ  
gɔaa k'a sɔ a danyɪ m bɪ, monsigɔ nɔ an ta ɔ. A  
n nɪ tam monsigɔ ɔ, b'a n a dɔ kɔ ta an nawom  
ka y. Bala, monsigɔ b'a mɪm ta.

<sup>XII</sup> A gɔrsɪra mɔɔ n'a bare awɔɔ ma, m nyɪnɔ  
ɲɔarɛrɔ, bala, awɔɔ a mimbɔnyaarɔ sugur yɪ,  
Yeezuu Krista tɔ minto. <sup>XIII</sup> Zɪrɔ, a gɔrsɪra mɔɔ  
n'a bare awɔɔ ma, bala, awɔɔ Gɔaa k'a nyɪnta ɔ a  
sɪɲɲɪda ɔ bɪ dɔ. A gɔrsɪra mɔɔ n'a bare awɔɔ ma  
gɔɔɔ pɔoro, bala, awɔɔ bɔr \*Bɔnyaabarezaa ra.  
<sup>XIV</sup> A gɔrsɪra mɔɔ ba awɔɔ ma, m nyɪnɔ ɲɔarɛrɔ,  
bala, awɔɔ Zɪ dɔ. A gɔrsɪra mɔɔ ba awɔɔ ma,  
zɪrɔ, bala, awɔɔ Gɔaa k'a nyɪnta ɔ a sɪɲɲɪda ɔ bɪ

do. A gorsira moo ba awoo ma, gsoo pooro, bala, awoo panja ta u, bi Woso lemim goota awoo u, a bor \*Bonyaabarezaa ra.

<sup>XV</sup> A bi durnya nsoa, kan ho k'a n'a no u bi ki y. Ko goaa durnya nsoa, Zi nsoare b'a no u y. <sup>XVI</sup> Bala, ho haay k'a ni durnya no u bi, mesim letaama, mum letaama bonyaa, munjabusure arzaka no u, naa haay n a to Zi zi y. A to a u durnya no u. <sup>XVII</sup> Durnya i cenim kan a letaamaro ki. Bi, goaa k'a ni Woso hoonho bam bi gootam domum k'a nyare ba u bi no u.

### *Krista jim*

<sup>XVIII</sup> M nyinto nsoareru, domum jezaa a ku. Awoo ma, n n a pa da, n u, Krista jim b'i zem. A n a sijnida sa naa ma, Krista junnoo woo a hunka guta. Naa minto y'a ka, woo n'a do woo u, domum jezaa a ku. <sup>XIX</sup> A to n y'a u woo zi, bi n nyinta woo gsoo y. Ko nyinta n y'a u woo gsoo, n gootam kan woo ki. Bi, pakra m, ko goaa haay n a do paan... a u, woo gsoo bee m goaa haay ni y. <sup>XX</sup> K'awoo ni, Krista bi \*Sent-Espri ka awoo u, b'awoo haay, awoo sira do keere. <sup>XXI</sup> Moo n a gorsira ba awoo ma, moo u, awoo n sira do y, awoo do. B'awoo do so, a u, nsoar n a to sira no u y. <sup>XXII</sup> Nka m nsoarzaa? Ko bi m goaa k'a ni bisi kare, a u, Yeezuu bi Krista bee ni y. Krista jim bi, goaa k'a bisi ka Zi kan Nyi ki ma m. <sup>XXIII</sup> Goaa ninjo haay k'a bisi ka Nyi bi ma, a ba kan Zi bi ki so y. Goaa k'a a bo a le ma, a u, a Nyi bi do bi, a i kan Zi bi ki so. <sup>XXIV</sup> Bi k'awoo ni, ko lemim ninjo k'awoo ma a sijnida ma bi n goota awoo heer u. Ko lemim ninjo k'awoo ma

bɪ ɡoota awɔɔ heer ɔ, awɔɔ ɡoota sɔ, an nɪ Nyɪ kan Zɪ kɪ nɔ ɔ. **XXV** Lerbɔre niŋŋə kɔ Zɪ a bɔ wɔɔ m bɪ m mɪsɪrbaa k'a nyare ba ɔ bɪ m.

**XXVI** Naa ɡɔrsɪra ba mɔɔ ɔ awɔɔ ma ɡɔɔɔ kɔ ŋ lɛ n taa k'awɔɔ nyɔnnyɔɔ rɔ wɔɔ minto.

**XXVII** K'awɔɔ nɪ, Sent-ɛspri k'awɔɔ si Krista bɪ zi bɪ, a ɡoota awɔɔ heer ɔ. Pakra bɛɛ m kɔ n nɪ hɔ dɪnda a m dɔ y. Sent-ɛspri nɪ hɔ haay dɪndare awɔɔ m. A hɔdɪndare bɪ sɪra m, ŋɔaar bɛɛ y. K'a ɡoota Krista nɔ ɔ, amba a hɔ dɪnda awɔɔ m bɪ m.

**XXVIII** Ncɪnaaɔ bɪ, m nyɪnɔ ŋɔarerɔ, k'a ɡoota Krista nɔ ɔ, k'a b'a hɪnka, k'ɔ heer n bɪr kookoo, kɔ wɔɔ bɪ nyannɪ yɪ a taa, ɔ ɔ ba ma laatɔ a zere hinni ɔ y. **XXIX** K'awɔɔ dɔ, a ɔ, Krista turga bɪ, k'a dɔ sɔ a ɔ, ɡɔaa k'a nɪ turgabaa zi bare, Woso nyɪ m paan....

### III

#### *Woso nyɪnɔ*

**I** K'a dɪga ŋɔare ɡɔta kɔ Woso a ka wɔɔ ɔ, an nɪ wɔɔ birm a nyɪnɔ bɪ ma. Bɪ, sɪra m, Woso nyɪnɔ m wɔɔ m. Bɪ y'a ka, durnya b'a dam ma, an wɔɔ dɔ y. Bala, durnyazannɔ wɔɔ n Woso dɔ y. **II** M ɡɔaaɪbɔɔ, naa ma keere bɪ, Woso nyɪnɔ m wɔɔ m. Bɪ, nyɪnta kɔ wɔɔ n nɪ zem b'a ɔ hɔ niŋŋə bɪ, bɪ n a hɪnka cɪna y. Wɔɔ dɔ wɔɔ ɔ, k'a b'a hɪnka, wɔɔ zem bɪ bɔ kɔ ɔ kan kɪ. Bala, k'a lɔ, wɔɔ y'a yɪre. **III** ɡɔaa niŋŋə k'an ta taaheerle naa do m Krista nɔ ɔ bɪ, a ɪ dintim ɡɔre a ma, k'a yɪ mɪŋŋa amba Yeezuu m mɪŋŋa bɪ m. **IV** ɡɔaa niŋŋə haay k'a mimbɔnyaa ba, kaanm a nawɔm Woso lɛ m, bala, mimbɔnyaa bɪ, kaanm lɛ m m. **V** Awɔɔ dɔ

a ɔ, Yeezuu bɔr k'a bɪ mimbɔnyaarɔ ɡɔngɔ wɔɔ ma, bɪ mimbɔnyaa ba ma y. <sup>VI</sup> Ɔaa niɲɲə haay k'a ɡɔɔta kan kɪ, a bɪr mimbɔnyaa bam dɔntɔ y. Ɔaa niɲɲə haay k'a nɪ mimbɔnyaa bam, a n a yɪ, b'a n a dɔ sɔ y.

<sup>VII</sup> M nyɪnɔ ɲɔarɛrɔ, k'a bɪ yɛ kɔ ɡɔsɪ n'awɔɔ nyɔnnyɔɔ y. Ɔaa k'a nɪ tɪrgabaa zi bam bɪ tɪrga, amba Yeezuu n tɪrga bɪ m. <sup>VIII</sup> Ɔaa k'a nɪ mimbɔnyaa bam, Sɔtaana ɡɔaa m. Bala, mimbɔnyaabər m Sɔtaana m a sɪɲɲɪda ɔ. Bɪ minto y'a ka Woso Nyɪ bɪ n bɔr k'a bɪ Sɔtaana zibəero zaar ba. <sup>IX</sup> Ɔaa niɲɲə haay kɔ Woso a yɪ bɪ bɪr mimbɔnyaa bam dɔntɔ y, a mɪsɪrbaa hɔdɔ bɪ y'a nɔ ɔ, a b'a dam ma, an mimbɔnyaa ba dɔntɔ y, bala Woso y'a yɪ. <sup>X</sup> Naa minto y'a ka n nɪ Woso nyɪnɔ dɔ, n nɪ ɲ bɔ kɔ zi kan Sɔtaana hɔɔ kɪ. Ɔaa k'a bɪr tɪrgabaa zi bare y, b'a bɪr a danyɪ ɲɔam sɔ y, Woso ɡɔaa bɛɛ y.

### *Muno ɲɔarɛ*

<sup>XI</sup> Kɔ sɪra m, lemim niɲɲə k'awɔɔ ma a sɪɲɲɪda ma bɪ n naa: U kɔ ɲɔa. <sup>XII</sup> A b'a ba am Kayen hɔ bɪ nɪ y, kɔ \*Bɔnyaabarezaa ɡɔaa m bɪ, a a danyɪ zɛ ɡər. Bɪ, bɔ minto an a zɛ? K'a zibəero wɔɔ nyɪnta bɔnyaa, a danyɪ bɪ zibəero wɔɔ n nyɪnta tɪrga bɪ m. <sup>XIII</sup> Kɔ durnya sɔ awɔɔ m, m danyɪnɔ, a bɪ zɛ kədə y. <sup>XIV</sup> Wɔɔ dɔ wɔɔ ɔ, bɔ wɔɔ ɔ zɛ nɔ ɔ, ɔ bɔr mɪsɪrbaa nɔ ɔ, kɔ wɔɔ ɔ danyɪnɔ ɲɔa bɪ minto. Ɔaa k'a bɪr a danyɪ ɲɔam bɪ ɡɔɔta zɛ nɔ ɔ. <sup>XV</sup> Ɔaa niɲɲə haay k'a sɔ a danyɪ m bɪ, ɡərzer m. B'awɔɔ dɔ a ɔ, ɡərzer deem taan... ba mɪsɪrbaa k'a nyarɛ ba ɔ bɪ nɪ a zi y. <sup>XVI</sup> Hɔ k'a a ka wɔɔ n ɲɔarɛ k'an hɔ niɲɲə bɪ dɔ ba n nɪ:

Yeezuu a mɪsɪrbaa ka wɔɔ minto. A a ga m sɔ, wɔɔ n ɔ mɪsɪrbaa ka, ɔ danyɪnɔ minto. <sup>XVII</sup> Kɔ gɔaa ɪ durnya naa dɔ arzakarɔ m, an a danyɪ yɪ cicir nɔ ɔ, b'a n a da han y, Woso nɔarɛ bɪ y'a bam lɔ k'a bɪr a zaa ɔ?

<sup>XVIII</sup> M nyɪnɔ nɔarɛrɔ, ɔ bɪ nɔarɛ ba lɛmindɔ m kan meerbaa kɪ nɔ ɔ y. Ɔ kɔ nɔa, zibəə bare kan sɪra kɪ nɔ ɔ. <sup>XIX</sup> Naa minto, wɔɔ y'a dɔrɛ ɔ ɔ, ɔ ɪ sɪra nɔ ɔ, bɪ wɔɔ heerkoodəbaa yɪm zi. <sup>XX</sup> Bala, kɔ wɔɔ heer ɪ mim kam wɔɔ ra, Woso gɔtabaa lɛ da wɔɔ heer la, a hɔ haay dɔ. <sup>XXI</sup> M gɔaasɪbɔɔ, kɔ wɔɔ heer bɪr mim kam wɔɔ ra, wɔɔ heer koodə Woso zi. <sup>XXII</sup> Kɔ wɔɔ hɔ yɛ han, wɔɔ y'a yɪrɛ, bala, wɔɔ a lɛrɔ wɔɔ si, ɔ nɪ hɔ k'a nɔ yɪ bɪ bare. <sup>XXIII</sup> Ba a lɛ n na: K'ɔ sɪra ka a Nyɪ Yeezuu Krista bɪ tɔ ɔ, k'ɔ kɔ nɔa amba a lɛ ka wɔɔ ɔ bɪ m. <sup>XXIV</sup> Gɔaa k'a n'a lɛrɔ wɔɔ sire, a ɪ kan Woso kɪ, Woso nɪ kan kɪ sɔ. Wɔɔ dɔ wɔɔ ɔ, a ɪ kan wɔɔ kɪ, Sent-ɛspri k'a ka wɔɔ ɔ bɪ minto.

## IV

### *Sent-ɛspri kan zinə k'a nɪ Krista jɪnnɔ ɔ bɪ kɪ*

<sup>I</sup> M gɔaasɪbɔɔ, a bɪ sɪra ka gɔɔɔ haay kɔ n ɔ, a ɪ Sent-ɛspri m nɔ wɔɔ ɔ y. K'a n ka a lɛɛ a dɪga n ma, kɔ Sent-ɛspri n nɪ ta m paan... gɛɛ hɔ vanta m gɛ. Bala, nɔaarlɛsɪnnɪsorazannɔ gɔta y'a kɔrgu durnya ra. <sup>II</sup> Hɔ nɪnɔhɔ k'a n'a kare awɔɔ m Sent-ɛspri bɪ dɔ bɪ ba n nɪ: Gɔaa k'a bɔ a lɛ ma, a ɔ, Yeezuu Krista a ba gɔaa bɪ, a ɪ Sent-ɛspri m. <sup>III</sup> Bɪ gɔaa haay k'a bɪr Yeezuu Krista kasetɪ kare nɔnnaɔ bɪ, bɪ zaa b'a Sent-ɛspri nɪ y. Zinə k'a nɪ Krista jɪm nɔ ɔ bɪ m, awɔɔ n a ma, n n'a hɪrɛ n ɔ, a ɪ zɛm bɪ. B'a

lee ku durnya nɔ ɔ kaka. <sup>IV</sup> Awɔɔ kɔ Woso nyɛnɔ n'awɔɔ m bi, m nyɛnɔ nɔarɛrɔ, awɔɔ paŋŋa bɔr nɔaarlesinnɔsorazannɔ wɔɔ duro ra. Bala, Sent-Ɖspri k'a nɛ kan awɔɔ kɛ bi paŋŋa lɛ da zinɔ k'a nɛ kan durnyazannɔ kɛ bi ra. <sup>V</sup> Durnyazannɔ n ŋ mɛ, ŋn'i durnya mim dɛndam, durnya n'a tɔr kare ŋ ma. <sup>VI</sup> Wɔɔ, Woso gɔɔɔ m wɔɔ m. Gɔaa k'a Woso dɔ bi, a tɔr an n'a kam wɔɔ ma. Gɔaa kɔ Woso gɔaa bɛɛ bi bɛr a tɔr kam wɔɔ ma y. Bi, wɔɔ nɛ Sent-Ɖspri k'an sɪra bi dɔm ma kan zinɔ k'a nɛ Krista jum nɔ ɔ, an nɛ nɔaar bam bi kɛ.

### *Nɔare bi, a to a ɔ Woso zi*

<sup>VII</sup> M gɔaasɪbɔɔ, ɔ kɔ nɔa, bala, nɔare bi, a to a ɔ Woso zi. Gɔaa ninŋɔ haay k'a a mim nɔa Woso y'a yɛ, a Woso dɔ. <sup>VIII</sup> Gɔaa k'a bɛr a mim nɔare, a n Woso dɔ y, bala, Woso bi nɔarezaa m. <sup>IX</sup> Woso nɔare k'a hunka wɔɔ bire ɔ bi ba n nɛ: Woso a Nyɛ deem nyɔɔ durnya ɔ, kɔ wɔɔ n mɪsɪrbaa ba a minto. <sup>X</sup> Ba a nɔare bi n na: Wɔɔ bɛɛ ɪ Woso nɔa y, a ɪ wɔɔ nɔa. A y'a Nyɛ nyɔɔ, k'an bi nyɛnta mannɪhɔ wɔɔ mimbɔnyaarɔ minto. <sup>XI</sup> M gɔaasɪbɔɔ, kɔ Woso wɔɔ nɔa nɔɪnaaɔ, wɔɔ sɔ, wɔɔ ɔ ga m, ɔ kɔ nɔa. <sup>XII</sup> Gɔsɪ n Woso yɛ cɪna y. Kɔ wɔɔ kɔ nɔa, Woso ɪ kan wɔɔ kɛ, b'a nɔare b'i kan wɔɔ kɛ paan....

<sup>XIII</sup> Sent-Ɖspri k'a a ka wɔɔ ɔ bi minto, wɔɔ dɔ wɔɔ ɔ, wɔɔ ɪ kan kɛ, an nɛ kan wɔɔ kɛ. <sup>XIV</sup> Bi wɔɔ yɛ, wɔɔ n'a kasetɪ kare, wɔɔ ɔ, Woso a Nyɛ bi nyɔɔ k'an bi yɛ durnya bɔmbɔrezaa. <sup>XV</sup> Gɔaa ninŋɔ haay k'a bɔ a lɛ ma, a ɔ, Yeezuu Krista bi Woso Nyɛ nɛ, Woso ɪ gɔɔtam kan kɛ, an nɛ kan Woso kɛ. <sup>XVI</sup> Bi wɔɔ, wɔɔ Woso nɔare k'an



ta m wɔɔ minto bi dɔ, wɔɔ sira ka naa ɔ sɔ. Woso bi, nɔarezaa m. Gɔaa k'a gɔɔta nɔare nɔ ɔ, a zaa ɪ gɔɔtam kan Woso ki, Woso ni gɔɔtam kan ki. <sup>XVII</sup> Bi minto y'a ka, nɔare ni wɔɔ nɔ ɔ paan..., wɔɔ n n'ɔ dam ma, ɔ heerkoodɔbaa yi dɔdɔkare hinni ɔ. Bala, Yeezuu k'an hɔ niŋŋɔ bi, wɔɔ maam sɔ durnya naa do nɔ ɔ. <sup>XVIII</sup> Dabɔɔ ba nɔare nɔ ɔ y. Bi nɔare paan... ɪ lam nyibɔɔ ra. Bala, nyibɔɔ ɪ kan booti fɪryɪre ki. Bi, gɔaa k'a ni nyi bare, nɔare paan... b'a nɔ ɔ y.

<sup>XIX</sup> Kɔ wɔɔ ni, wɔɔ ɪ kɔ nɔam, bala, Woso ɪ lɛɛ ka an wɔɔ nɔa. <sup>XX</sup> Kɔ gɔaa a hi a ɔ: «Mɔɔ ɪ Woso nɔam», an bɔkare, an sɔ a danyɪ m, nɔaarzaa m. Sira m, gɔaa k'a bir a danyɪ k'a n'a yɪm bi nɔare, a b'a dam ma, an Woso k'a bir a yɪm bi nɔa y. <sup>XXI</sup> Ba lɛ kɔ Krista a ka wɔɔ ɔ bi n na: Gɔaa k'a ni Woso nɔam, k'an a danyɪ nɔa sɔ.

## V

### *Kaseti kɔ Woso a ka*

<sup>I</sup> Gɔaa niŋŋɔ haay k'a sira ka a ɔ, Yeezuu bi Krista m, Woso nyɪ m. Gɔaa niŋŋɔ haay k'a Zi nɔa, a a Nyɪ nɔa sɔ. <sup>II</sup> Hɔ k'a n'a hunkare a ɔ, wɔɔ Woso nyɪnɔ nɔa bi ba n ni: Kɔ wɔɔ Woso nɔa, ɔ ni zure a lɛɔ ɔ. <sup>III</sup> Ba wɔɔ nɔare kan Woso ki bi n na: Kɔ wɔɔ n a lɛɔ si. B'a lɛɔ wɔɔ, mɔr gorezaa bɛɛ y. <sup>IV</sup> Bala, gɔaa haay kɔ Woso y'a yi bi bɔr durnya ra. Hɔ k'a bɔr durnya ra bi, wɔɔ sirakare m. <sup>V</sup> Nka ɪ bɔr durnya ra? Kɔ bi m, gɔaa k'a sira ka, a ɔ, Yeezuu bi, Woso Nyɪ m.

<sup>VI</sup> Yeezuu Krista ɪ bɔr durnya ɔ, an a hunka hi m kan ma ki. Hi bɛɛ m bala y, hi m kan ma ki. Bi, Sent-ɛspri n'a kaseti kam, bala, Sent-ɛspri m

sira. <sup>VII</sup> N̄ kaako, η n'a kaseti kare: <sup>VIII</sup> Sent-Ǝspri, hi kan ma ki. Bi η kaako ro wo kaseti deem η n'a kare. <sup>IX</sup> Ku wo i gooo kaseti sire, Woso kaseti bi gutabaa le da. Ba Woso kaseti bi n na: A kaseti ka a Nyi b'ɔ. <sup>X</sup> Gɔaa k'a sira ka Woso Nyi b'ɔ, a i kaseti naa do m a heer ɔ. Gɔaa k'a n sira ka Woso ɔ bi, Woso ba an nawum ηɔaarzaa. K'a n sira ka kaseti ku Woso a ka a Nyi b'ɔ bi minto. <sup>XI</sup> Ba kaseti bi n na: Woso mɔsɔrbaa k'a nyare ba ɔ bi ka wo ɔ, bi mɔsɔrbaa bi do i Nyi bi zi. <sup>XII</sup> Gɔaa k'a ni kan Nyi bi ki, a i mɔsɔrbaa m. Gɔaa k'a ba kan Woso Nyi bi ki, a ba mɔsɔrbaa bi do ni y.

### *Mɔsɔrbaa k'a bir nyam bi dɔre*

<sup>XIII</sup> Naa haay gorsira ba moo ɔ awoo ma, awoo k'a ni sira kam Woso Nyi b'ɔ bi, k'awoo n a do a ɔ, a i mɔsɔrbaa k'a nyare ba ɔ bi m. <sup>XIV</sup> Ho k'a ni wo heer bam kookoo Woso zi bi ba n ni: Ku wo ho niηηe ye han an zu a hooho ɔ, a y'a tur kam wo ma. <sup>XV</sup> Bi ku wo do, ɔ ɔ, ku bo wo ye han a y'a tur kam wo ma bi, wo do wo ɔ, wo i ho ku wo ye bi m.

<sup>XVI</sup> Ku gɔaa a danyi yi, an ni mimbonyaa bare, mimbonyaa bi do bir tam ze bince ɔ, k'an yaa da. Woso mɔsɔrbaa kaη ɔ, ku mimbonyaa bi do bir tam ze bince ɔ paan... y. Bala, mimbonyaa ta ɔ, an ni tam ze bince ɔ. Mimbonyaa bi do minto bee moo ɔ, a yaa da y. <sup>XVII</sup> Zibəə bonyaa haay bi, mimbonyaa m. Bi, mimbonyaa haay bee ni tam ze bince ɔ y. <sup>XVIII</sup> Wo do wo ɔ, gɔaa niηηe haay ku Woso a yi bi bir mimbonyaa bam donto y. Bala, Woso Nyi b'i dom ma, \*Bonyaabarezaa

bɪr heer bam ma y. XIX Wɔɔ dɔ wɔɔ ɔ, Woso ɔɔɔ  
 m wɔɔ m, bɪ durnya haay jilli ɪ \*Bɔnyaabarezaa  
 wɔ ɔ. XX Bɪ wɔɔ dɔ sɔ wɔɔ ɔ, Woso Nyɪ bɔr, an  
 bɪ wɔɔ hɔɔn gu, k'ɔ Woso paan... bɪ dɔ. Bɪ Woso  
 paan... Nyɪ Yeezuu Krista nɔ wɔɔ n ta ɔ. A m  
 Woso paan..., a m mɪsɪrbaa k'a nyarɛ ba ɔ bɪ.  
 XXI M nyɪnɔ ɲɔarɛɔ, a b'a ka a \*wosobaawɔnɔ  
 wɔɔ da ɔ y.

## **Wosoci Gaaababaa Daa**

### **Bisa: Wosoci Gaaababaa Daa New Testament**

copyright © 2001 Wycliffe Bible Translators, Inc.

Language: Bissa

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 25 Nov 2022 from source files dated 29 Jan 2022

b9a8abe9-82bd-5507-a45a-13023081ebc2